

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-21-Z/22
Kakanj, 17.08.2022. godine

Z A P I S N I K
sa 21. sjednice Općinskog vijeća - vanredne održane 17.08.2022. godine (srijeda)
u sali Općinskog vijeća sa početkom u 9:00 sati
(sažetak zapisnika)

Nakon intoniranja himne Bosne i Hercegovine 21. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Aldin Šljivo, Safet Šahman, Mejrema Purišević, Mediha Mamela, Izudin Puščul, Omer Musić, Nerma Aliefendić, Elvir Delibašić, Džemal Bećirhodžić i Izudin Hrusto (**SDA**)

Vinka Aletović i Miroslav Spasojević (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**S BiH**)

Dževdet Huskić, Behija Kulović i Branko Češljjić (**NS**)

Enver Merdić (**SBB BiH**)

Adnan Čobo (**DF**)

Slaven Katičić (**HDZ BiH**)

Mujo Fafulić – **nezavisni kandidat iz reda nacionalnih manjina**

Odsutni su bili: Nedim Mušija, Edin Aliefendić, Namir Talić (**SDA**) Eldin Mijoč, Ahmed Begić (**SDP BiH**) Mugdin Gorak (**SBB BiH**) i Armin Bašić (**DF**).

Predsjedavajući je konstatovao da je na sjednici u momentu prijave prisutno 23 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Ferdo Mijač, sekretar Općinskog vijeća

Enver Kusić, sekretar organa uprave

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Alem Škulj, ispred Službe za imovinskopravne, geodetske poslove i katastar nekretnina

Nurudin Hrusto, pomoćnik općinskog načelnika za civilnu zaštitu

Zijad Neimarlija, direktor Zavoda za planiranje i izgradnju općine Kakanj

Mahir Sikira, savjetnik općinskog načelnika

Predstavnici medija:

NTV IC Kakanj
Radio Kakanj

Napomene o radu Kolegija Općinskog vijeća:

Vanrednoj sjednici je prethodila pripremna sjednica Kolegija Općinskog vijeća koja se održala pola sata ranije u kabinetu općinskog načelnika. Pored članova Kolegija sjednici je prisustvovao Mirnes Bajtarević, općinski načelnik, Ferdo Mijač, sekretar Općinskog vijeća, i Emir Zaimović, stručni savjetnik za poslove Općinskog vijeća. Također, Kolegiju su prisustvovali i Džihad Berbić i Mirza Fazlić, pomoćnici općinskog načelnika.

Kolegij je usaglasio da se vanredna sjednica održi odmah poslije sjednice Kolegija a da na dnevnom redu, po obrazloženju načelnika, bude samo tačka – prijedlog odluke o izmjenama i dopunama Budžeta Općine Kakanj za 2022.godinu.

Utvrđivanje dnevnog reda:

Predsjedavajući je za 21. redovnu sjednicu predložio dnevni red koji je usaglašen na sjednici Kolegija.

U diskusiji o dnevnom redu nije niko učestvovao i isti je usvojen jednoglasno.

Usvojeni dnevni red:

1. Prijedlog odluke o izmjenama i dopunama Budžeta Općine Kakanj za period 01.01 - 31.12.2022. godinu

1. Prijedlog odluke o izmjenama i dopunama Budžeta Općine Kakanj za period 01.01 – 31.12.2022. godine

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji su učestvovali Dževdet Huskić i Slaven Katičić.

Dževdet Huskić: je rekao da će NS podržati ovaj prijedlog obzirom da se radi o tome da sredstva sa viših nivoa vlasti trebaju što prije biti operativna i dodao da se slaže da se dodatni prohodi usmjere na izgradnju ski-lifta, osim u dijelu da to budu i preusmjerena sredstva opredjeljena za doktorski studij i studentske stipendije. Tražio je da se iz drugih sredstava (od prihoda termoelektrana) zaklopi finansijska konstrukcija za ski-lift i pored toga što je jasno obrazloženje da sredstva neće biti utrošena do kraja godine i da ih studenti neće koristiti. Dodao je da će do kraja godine vjerovatno biti još neki rebalans te da bi ta sredstva trebala drugom namjenom poboljšati studentski položaj. U vezi finansiranja Islamskog centra Sultan Ahmed, rekao je da je bilo manje politički upečatljivih načina da se ovaj projekt podrži. Također, osvrnuo se na nove stavke za informisanje u Službi za privredu, urbanizam i zaštitu okoliša, i to u Programu za poticaj razvoju poljoprivrede 16.000KM i Poticaj razvoju poduzetništva 24.000KM te zaključio da su sredstva koja se ulažu u stvarne poticaje (3.200+4.800) daleko manja od sredstava opredijeljenih za informisanje što u predizbornom periodu ostavlja prostor za izvođenje gorkih zaključaka. Predložio je da se napravi pauza kako bi se ovi stavovi uvrstili u prijedlog odluke.

Općinski načelnik: je pojasnio da se rebalansom sklapaju finansijske konstrukcije za dva značajan projekta most u Modrinju i ski-lift na Ponijerima. Naglasio da se radi o potpuno novom ski-liftu te da su sredstva osigurana sa federalnog nivoa u iznosu od 1,5 miliona. I sa kantonalnim sredstvima a i sa općinskim za potpunost ove finansijske konstrukcije potrebno je više sredstava nego što je bilo prvobitno predviđeno jer su negativni globalni ekonomski trendovi doveli do poskupljenja. U vezi stipendija rekao je

da se stipendije jednim dijelom finansiraju iz sredstava prihoda termoelektrana te da nijedan student nije ostao uskraćen a sredstava će se samo preinačiti u namjeni jer bi inače ostala neutrošena. Pozvao je vijećnike da ovaj prijedlog podrže.

Dževdet Huskić: je rekao da niko nema ništa protiv ski-lifta i ponovio da će do kraja godine vjerovatno biti još neki rebalans te da bi ta sredstva trebala drugom namjenom poboljšati studentski položaj. Dodao je da je loša poruka da se od studenata uzima a daje za ski-lift, te da nije dobio odgovor u vezi stavki za informisanje.

Općinski načelnik: je rekao da se ne radi o oduzimanju sredstava već njihovom preusmjeravanju jer bi inače ostala neutrošena ne bi se mogla utrošiti za studente svakako jer nema osnova za to, obzirom da su stipendije isplaćene po važećim odlukama i kriterijima.

Džihad Berbić: je rekao da nije problem da se sredstava za stipendije ne diraju a da se povećaju sredstva od prihoda termoelektrana.

Slaven Katičić: je rekao da su programi stipendija završeni i nema potrebe da ta sredstva stoje neutrošena a ne usmjeravaju negdje gdje je potreba. Predložio je da se Odluka usvoji kako je i predložena.

Nakon diskusije Vijeće je sa 20 glasova ZA, 3 PROTIV i niko UZDRŽAN usvojilo Odluku o izmjenama i dopunama Budžeta Općine Kakanj za period 01.01 – 31.12.2022. godine.

Predsjedavajući je zaključio rad 21. redovne sjednice Općinskog vijeća u 9:35'.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić